

Har yili o'tkaziladigan O'zbekiston-AQSh siyosiy maslahatlashuvlarining shakli Strategik sheriklik muloqotiga aylantirildi



2020-yil 20-noyabr kuni Washington shahrida O'zbekiston Respublikasi Tashqi ishlar vaziri Abdulaziz Kamilov boshchiligidagi delegatsiya O'zbekiston - Amerika Qo'shma Shtatlari siyosiy maslahatlashuvlarining sakkizinch raundida ishtirot etdi. AQSh delegatsiyasiga Janubiy va Markaziy Osiyo masalalari bo'yicha Davlat kotibi yordamchisining birinchi o'rribbosari Din Tompson boshchilik qildi.

O'zbekiston delegatsiyasi tarkibidan Oliy Majlisi Senati Raisining birinchi o'rribbosari Sodiq Safoyev, Oliy Majlis Qonunchilik palatasi Spikerining birinchi o'rribbosari Akmal Saidov, Strategik va mintaqalararo tadqiqotlar instituti direktori Eldor Aripov, Prezidentning Afg'oniston bo'yicha maxsus vakili Ismatulla Irgashev, Investitsiyalar va tashqi savdo vazirining birinchi o'rribbosari Laziz Qudratov ham joy olgan.

Ikki tomonlarga munosabatlarning hozirgi holati va rivojlanish istiqbollari hamda O'zbekiston Prezidenti Shavkat Mirziyoyevning 2018-yil may oyida AQShga tashrifi yakunlari bo'yicha erishilgan kelishuvlarni amalga oshirishning borishi muhokama qilindi. Ko'p qirrali O'zbekiston-AQSh hamkorligini yanada chuqurlashtirishning ustuvor yo'naliishlari belgilab olindi.

Ikki tomon ham hamkorlikning joriy dinamikasini saqlab qolishga, qo'shma kun tartibining barcha masalalari bo'yicha yaqin va muntazam muloqotda bo'lismishga, strategik sheriklikning shartnoma-huquqiy va institutsional asoslarini mustahkamlashga qiziqish bildirdi.

AQSh tomoni Prezident Shavkat Mirziyoyev rahbarligida amalga oshirilayotgan, respublika hayotining barcha jabhalarini qamrab oluvchi keng miqyosli islohotlarning natijalariga yuqori baho berdi. Amerika

Qo'shma Shtatlari O'zbekistonning inson huquqlarini himoyasini yaxshilash, majburiy mehnatga qarshi kurashish, diniy erkinliklarni kengaytirish bo'yicha islohotlarni amalga oshirishda muhim yutuqlarni e'tirof etdi va O'zbekistonning 2021-2023-yillarda BMTning Inson huquqlari bo'yicha kengashiga saylanishini mammuniyat bilan qabul qildi.

Siyosiy sohadagi O'zbekiston-AQSh hamkorligi tizimli va barqaror tus olgani qayd etildi. Xalqaro tashkilotlar va ko'p tomonlama tuzilmalar doirasidagi sheriklikning dolzarb masalalari bo'yicha fikr almashildi.

COVID-19 inqirozining jiddiy iqtisodiy ta'sirini qayd etilib, Amerika Qo'shma Shtatlari global pandemiya oqibatlariga qarshi kurashda O'zbekistonga yordam berishda qat'iy tasdiqlandi.

Amerika tomoniga BMT Bosh Assambleyasida 75-sessiyasida O'zbekiston rahbari ilgari surgan tashabbuslarning konseptual ahamiyati to'g'risida batafsil ma'lumot berildi.

"C5+1" shaklining mintaqaviy hamkorlikni ilgari surishda va birgalikdagi ishlarning aniq yo'naliishlarini belgilab olishda muhim o'rIN tutishi e'tirof etildi. Shu nuqtayi nazardan Markaziy Osiyoning global transport va tranzit koridorlariga chuqur integratsiyalashuvini ta'minlash hamda mintaqqa mamlakatlari o'rtasidagi savdo-iqtisodiy, investitsiya va energetika sohalaridagi aloqalarni faollashtirish bo'yicha amaliy choralarни kuchaytirish masalalari alohida ajratib ko'rsatildi.

"O'zbekiston - AQSh - Afg'oniston" uch tomonlama shakli doirasidagi hamkorlikka alohida e'tibor qaratildi. Afg'onistonni Markaziy Osiyodagi savdo-iqtisodiy va integratsiya jarayonlariga faol jalb etish hamda uning tranzit salohiyatini oshiruvchi investitsiya va infratuzilma loyihibarini amalga oshirish mazkur mamlakatda mustahkam tinchlik o'rnatishning muhim yo'naliishlari sifatida qayd etildi.

Muzokaralar yakunlari bo'yicha yillik ikki tomonlama maslahatlashuvlar shaklini Strategik sheriklik muloqotiga aylantirish to'g'risida qaror qabul qilindi. Muloqotning ta'sis yig'ilishini 2021-yilda Toshkent shahrida o'tkazish to'g'risida kelishuvga erishildi.

Muzokaralarning asosiy natijalari maslahatlashuvlar yakunida qabul qilingan qo'shma bayonotda o'z aksini topdi.

Manba